

續送交政務處彙齊以憑採擇具奏 一會議務求切當凡本省官紳自於本省利病訪聞較確擬嗣後凡會議事件關涉何省者即由政務處知照該省京官較崇之員傳知同鄉官令各具說帖轉送政務處酌核 一初次會議事件未能遽定應准再行訂期會議倘再議論紛歧各執一是應由政務處擇其洞達時勢明於事理者酌核具奏請旨辦理 一翰林院講讀撰文以下及各部司員嗣後遇有議論事件皆准由翰林院掌院學士各部堂官傳知各該員有願獻議者呈遞說帖由各該堂官擇其可行者轉送政務處查核以期詳備

政務處議覆改設江淮巡撫摺

竊光緒三十年十一月初八日軍機處抄交前署兩江總督端方代奏修撰張謇條陳徐州宜建行省一摺十二月初六日抄交御史周樹模奏請裁漕運總督一片均奉旨交政務處議奏欽此查二十八年調任漕運總督陳夔龍奏稱漕督名實不符而所管河湖各工及地方盜案均屬重要應否裁撤等語當經臣等議覆暫緩裁撤茲據該御史奏稱各省衛官已撤屯戶並改丁糧歸州縣經征南漕半改折色半由海運各省糧道亦次第裁減漕督無官可轄而體制極崇殊非綜核名實之道各等語該修撰請在徐州建設省會亦以裁撤漕督爲言徐州在江蘇地居最北若於平地創建軍府既多繁費所請分割江蘇安徽山東河

南四十餘州縣亦涉紛更今昔形勢遷變無常漢末迄唐淮徐代爲重鎮宋及金元之際則徐已降爲散州至明以來則注重淮安歷爲前代漕督及國初廬鳳巡撫後改漕督駐紮之地及江南河道總督裁撤漕督移駐淮城迤西之清河縣實爲縮轂水陸之衝北連徐海南控淮揚地既適中勢尤扼要伏查前明初設漕運總督卽兼巡撫地方國朝順治六年裁廬鳳巡撫改漕運總督仍兼巡撫事漕督之兼巡撫原爲控制得宜現漕務雖已改革地方實關重要與其仍留漕督徒擁虛名不如逕設巡撫有裨實用臣等公同商酌擬將漕運總督一缺卽行裁撤改爲巡撫仍駐清江照江蘇巡撫之例名爲江淮巡撫與江蘇巡撫分治仍歸兩江總督兼轄一切廉俸餉項銜署標營均仍其舊但改漕標副將爲撫標參將以符定章而兩江總督駐江甯布政司所轄江淮徐揚四府通海兩直隸州江蘇巡撫駐蘇州布政使所轄蘇松常鎮四府太倉直隸州海門直隸廳久若畫疆而治現於江北擬設巡撫應將江甯布政使及所轄之四府二州全歸管理巡撫所駐卽爲省會應就近將淮揚海道仿照新疆鎮道例兼按察使銜所有江甯各屬刑名均由該道勘詳巡撫奏報江甯布政使應隨總督仍駐江甯總督在江南巡撫在江北旣無同城偪處之疑江甯六府州前隸蘇撫者卽改隸淮撫亦無增多文牘之擾不必添移一官加籌一餉而行省已建職掌更新建

內務

十九

乙巳

內務

二十

二月

置合宜名實相副惟事關改建行省且係兩江總督江蘇巡撫管轄之地各有責成所有未盡事宜應請 飭下兩江總督漕運總督江蘇巡撫體察情形悉心妥議 奏明辦理謹

奏

政務處奏會議黑龍江添設地方各官摺

本年十一月二十一日准軍機處鈔交署黑龍江將軍達桂等奏請變通吏治添設地方各官一摺奉 硃批政務處吏部議奏欽此臣等查黑龍江省屏障奉吉控馭蒙藩幅幘向稱廣闊近年荒墾日闢交涉日繁戶口蕃庶原設民官僅有呼蘭綏化兩廳且僻在一隅事多官少誠有照顧難周之慮查二十八年奉天吉林新疆等省迭經奏請添設府廳州縣均經臣等議准又於議覆升任護理山西巡撫趙爾巽通籌本計十條摺內聲明邊外軍府不如郡縣奏令各將軍悉心規畫酌設廳縣等因各在案今該將軍擬請在齊齊哈爾省城設黑龍江分巡道一員兼按察使銜總司通省刑名驛傳事務又擬設兵備道一員駐紮綏化兼理營務並設道庫大使一員升呼蘭廳爲府移治呼蘭城升綏化廳爲府仍治綏化各設知府一員不設首縣自理地方原設巡檢各升爲府經歷兼司獄於通省地方添置海倫直隸廳設同知如經歷兼司獄各一員齊齊哈爾省城添置黑水廳設撫民同知一員省城西南